



Stručna služba općinskog vijeća i općinskog načelnika

Broj: 01/1-02-1223/18

PRIJEDLOG

Ilijaš, 31.05.2018. godine

Z A P I S N I K

sa 20. (dvadesete) sjednice Općinskog vijeća Ilijaš, održane dana 31.05.2018. godine, sa početkom u 10:00h.

Dvadesetom sjednicom Općinskog vijeća Ilijaš predsjedavao je zamjenik predsjedavajućeg g-din Alen Hasković.

Prisutni vijećnici:

RB.	IME I PREZIME
	SDA
1	MAHIR DEVIĆ
2	ANEL BUMBULOVIĆ
3	MUAMER DERVIŠEVIĆ
4	ALMA OMEROVIĆ
5	MEHMED SINANOVIĆ
6	ADEM ALIĆ
7	FAHIR HASANOVIĆ
8	ARMIN MATORUGA
9	SEMIR DEDIĆ
10	HALID DIZDAREVIĆ
11	RASIM ŠEHIĆ
12	MELISA MATORUGA
13	ALEN HASKOVIĆ
14	SEAD ŠEHIĆ
	SDP
15	ALAN ŠERAK
16	-
17	MIRSAD OSMANOVIĆ
	SBB-FAHRUDIN RADONČIĆ
18	-
	BPS-SEFER HALILOVIĆ
19	MUHAMED HANDŽIĆ
20	ALMIR ŠPIODIĆ
	GS
21	EDHEM HASANOVIĆ
22	-
	SAMOSTALNI VIJEĆNIK
23	SEMIR DIZDAREVIĆ
	LDS
24	MEHO DŽINDO
	STRANKA ZA SREDNJE
25	-

Odsutni vijećnici:

1. Damir Filipović
2. Akif Bešlija
3. Asim Mujić i
4. Besim Gljiva.

Prisutni gosti:

1. Nermina Durić-Kahvedžić – Radio Ilijaš
2. TV Vogošća
3. Mehmed Smajlović – predsjednik Savjeta MZ Mrakovo
4. Meho Mešetović – predsjednik Savjeta MZ Ilijaš Grad
5. Nermin Demirović – direktor JP "Šumarstvo" d.o.o
6. Samra Ramić – predstavnik OSCE-a
7. Učenici SŠC "Nedžad Ibrišimović" Ilijaš
8. Dragana Kartal – profesorica SŠC "Nedžad Ibrišimović" Ilijaš
9. Volonteri: Sanela Omerović, Samir Fazlić, Meldina Burko, Emina Avdibegović, Elma Masnopita

Ostali prisutni:

1. Meliha Avdibegović – pomoćnik načelnika
2. Sanja Zagorac-Jozić – pomoćnik načelnika
3. Sadeta Brkić – pomoćnik načelnika
4. Merima Osmanović – pomoćnik načelnika
5. Nijaz Spahić – pomoćnik načelnika
6. Zdravko Barić – pomoćnik načelnika
7. Aziz Fazlić – pomoćnik načelnika
8. Ilda Kahrman – sekretar OV-a Ilijaš
9. Nermina Avdukić – stručni saradnik za informacije
10. Maida Habibović – zapisničar

ALEN HASKOVIĆ – zamjenik predsjedavajućeg

Otvorio je sjednicu i konstatovao da je prisutan 21 vijećnik.

Obzirom da je dan Bijelih traka, zamolio je da se minutom šutnje i učenjem El-Fatihe sjetimo svih nevino stradalih građana Prijedora.

Obzirom da je vijećnik Saudin Durmić podnio ostavku iz privatnih razloga, na njegovo mjesto po izbornom rezultatu dodijeljen je mandat Fahiru Hasanoviću koji je danas sa nama i zamolit ću ga da za našom sekretaricom ponovi tekst svečane izjave.

Zatim je dao na razmatranje zapisnik sa 19. sjednice OV-a.

Primjedbi na zapisnik nije bilo, pa je Općinsko vijeće jednoglasno usvojilo zapisnik sa 19. sjednice OV-a Ilijaš.

Pročitao je predloženi dnevni red i dao na razmatranje.

Primjedbi nije bilo, pa je OV-e jednoglasno usvojilo slijedeći

DNEVNI RED

1. Vijećnička pitanja i inicijative
2. Izvještaj o realizaciji zaključaka sa 19. sjednice
3. Prijedlog Odluke o davanju saglasnosti na plan utroška namjenskih sredstava prikupljenih po osnovu naknade za korištenje državnih šuma
4. Prijedlog Odluke o povjeravanju na upravljanje i korištenje objekta "Gradska tržnica Ilijaš" Javnom komunalnom preduzeću "Vodostan" Ilijaš
5. Prijedlog Odluke o organizaciji, upravljanju i održavanju pijace
6. Prijedlog Odluke o utvrđivanju cijene komunalne usluge – tržno – pijačnih usluga
7. Prijedlog Odluke o izmjenama i dopunama Odluke o utvrđivanju interesa za organizovanje i održavanje Manifestacije kulture, sporta i trgovine "Ilijaški dani"
8. Prijedlog Odluke o pristupanju izradi Regulacionog plana "Junakovac"
9. Prijedlog Odluke o načinu i uslovima prodaje neizgrađenog građevinskog zemljišta (k.č.br.1726/2, k.č.br.1725/2 i k.č.br.1737/1)
10. Prijedlog rješenja iz imovinsko-pravne oblasti broj:06/1-31-1451/18 od 16.05.2018. godine
11. Informacija o izvršenju Budžeta općine Ilijaš za period 01.01.-31.03.2018. godine
12. Informacija iz oblasti šumarstva

AD-1

Vijećnička pitanja i inicijative

ANEL BUMBULOVIĆ – vijećnik SDA

Inicijative:

1. Pokrećem inicijativu prema nadležnoj općinskoj službi da se izvrši čišćenje puta, potkresavanje drveća i košenja trave u neposrednoj blizini u ulici "Žrtava genocida u Srebrenici" i puta prema Sovrlama.

Obrazloženje: Na navedenim dionicama se nakon obilnih padavina nalazi veća količina šljunka. Također se na tim dionicama nalaze ostatci posipnog materijala koje treba ukloniti, te izvršiti pročišćavanje odvoda za oborinske vode.

2. Pokrećem inicijativu prema nadležnim službama, da se na području MZ Podlugovi, izvrši popravljavanje ili zamjena postojećih kontejnera za smeće.

Obrazloženje: Na području MZ Podlugovi, postoji jako veliki broj kontejnera, koji su u jako lošem stanju, bez poklopaca i oštećenim dnom. Zbog toga što nam dolaze topliji dani i visoke temperature, potrebno je izvršiti popravke tih kontejnera, kako bi se spriječilo širenje neugodnih mirisa i štetnih sadržaja iz njih, koji mogu biti potencijalni izvori zaraze. Također, predlažem da se i u drugim Mjesnim zajednicama na području općine Ilijaš izvrši inspekcija i utvrdi u kakvom su stanju kontejneri, te eventualno izvrši zamjena pojedinih gdje je to potrebno.

SEMIR DIZDAREVIĆ – samostalni vijećnik

Inicijativa:

Pokrećem inicijativu prema Kantonalnoj javnoj ustanovi, za zaštićena javna područja KS, da se stanovnici općine Ilijaš oslobode plaćanja ulaza na Bijambare.

Obrazloženje: Budući da stanovnici općine Ilidža ne plaćaju ulaz na Vrelo Bosne, a i ono je u nadležnosti iste Kantonalne javne ustanove, ne vidim razlog da stanovnici Ilijaša plaćaju ulaz na Bijambare. Molim nadležne u Kantonalnoj javnoj upravi, za zaštićena javna područja da donesu odluku o oslobađanju plaćanja ulaza na Bijambare i na taj način stanovnike Ilijaša dovedu u ravnopravan položaj sa stanovnicima Ilidže.

ADEM ALIĆ – vijećnik SDA

Inicijative:

1. Pokrećem inicijativu prema nadležnim organima Općine Ilijaš da se na području naše općine sistematski riješi plaćanje vode na izgrađenim spomen obilježjima.

Obrazloženje: Na većini spomen obilježja naše općine voda je isključena te ona nemaju pravu svrhu za koju su namijenjena.

2. Pokrećem inicijativu prema nadležnim općinskim organima da se u naselju Popovići (mekteb-trafostanica) i Salkanov Han (kod mekteba) urade betonske kanalice za površinske vode.

Obrazloženje: Na navedenim lokacijama poslije obilnih kiša javlja se velika količina voda, koja potkopava asfalt, također su ugrožena dva stambena objekta, te tampon koji se nanese na asfalt ide u fekalnu kanalizaciju koju začepi na više mjesta i dolazi do izljeva te time ugrožava zdravlje ljudi.

SEAD ŠEHIĆ – vijećnik SDA

Pitanje:

Postavljam pitanje nadležnoj općinskoj službi, JKP "Vodostan" d.o.o. i svim onima koji su vezani za pitanje koje ću postaviti.

Obrazloženje: JKP "Vodostan" d.o.o., već duže vrijeme nakon svojih radova, iskopavanja i popravki ostavlja rupe na cesti, isječen asfalt što predstavlja veliki problem u mahalama gdje su ceste i onako preuske. U Novom Naselju, odakle i dolazim već više od godinu dana, na lokaciji kod Raifa Buće, raskrsnica već tri puta se sječe asfalt, mjesto je udarno frekventno i zahtjeva hitne radove. Zatim na potezu od Šipadovih zgrada prema Novom Naselju, odmah na početku na raskrsnici velika rupa, a cjelokupno naselje mora proći tu raskrsnicu. Stoga pitam u čemu je probleme, ko štopa ili pravi probleme pa se to ne radi. Zato molim sve nadležne da ozbiljno pristupe rješenju ovog problema.

ARMIN MATORUGA – vijećnik SDA

Inicijativa:

Obraćam vam se ovom inicijativom s ciljem utvrđivanja odgovornosti pri

deponovanju otpadnog materijala na dionici puta Malešićki most-Donja Karaula. Molimo nadležnu službu da se očituje po ovom pitanju, te u narednom periodu naredi odgovornim firmama čišćenje nepropisno deponovanog materijala. Obrazloženje: U toku prošle 2017. godine za vrijeme izvođenja radova na projektima "Izrada fekalne kanalizacije Malešići" koje je izvodila kompanija "TB Inženjering" Breza i rekonstrukcija puta "Intal Bosna" koje je izvodila kompanija "Geoput" Maglaj izvršeno je ne propisno deponovanje materijala na pomenute lokacije. Deponovanje ovog materijala izvršeno je bez dozvole općine Ilijaš, na što je Savjet MZ Stari Ilijaš ukazivao u par navrata.

ALMIR ŠPIODIĆ – vijećnik BPS-a

Inicijativa:

Pokrećem inicijativu prema općinskoj službi za puteve da se izvrši popravljjanje (nasipanje) bankina i makadamski puteva koje su oštećene u posljednjem nevremenu, također da se očiste i kanali i oborinske vode koji su zarasli i zatrpani i kao takvi prouzrokuju problem poslije svake kiše. Radi se konkretno o popravljjanju bankina na dionicama puta Vratuša – Mrakovo, put prema Sovrlama iznad katoličkog groblja, gdje su bankine potpuno oštećene, a kanali za oborinsku vodu zarasli i zatrpani. Također, potrebno je sanirati bankine u ulici Makljen i putu prema Sovrlama od Ine. Makadamski put prema repetitoru na Sovrlama je gotovo pa neprohodan za automobile, a on se koristi i kao pristupni put i za 10 domaćinstava, potrebno je nasuti i uvaljati, jer ako padne još veća kiša on neće više služiti svojoj svrhi. Smatram da je važno da se ovaj problem sanira, koji ne iziskuje puno sredstava i na taj način zaštititi asfalt koji je nedavno rađen na nekim dionicama, jer ako pustimo da ovako propada vrlo brzo ćemo imati potrebu za ponovnim asfaltiranjem već urađene ulice. Nije samo nevrijeme uzrok ovog problema, u velikoj mjeri je tome doprinio i BH Telekom, koji je radio iskope na ovim dionicama za polaganje opreme za optički signal. Oni su definitivno napravili više štete na putnoj infrastrukturi nego koristi za građane i našu općinu. Predlažem da stručna osoba iz navedene službe obiđe pomenute dionice zajedno sa građevinskim ili komunalnim inspektorom i predsjednikom mjesne zajednice Podlugovi, naprave predmjer i predračun radova kojeg treba fakturisati BH Telekom-u, da učestvuje u finansiranju. Mi taj nered koji su oni ostavili iza sebe moramo sanirati zbog naših građana, općina nosi dio odgovornosti jer je dala saglasnost za izvođenje radova a nije vršila u potpunosti monitoring nad radovima.

Pitanje:

Kada će se izvršiti postavljanje cijevi za oborinske vode i čišćenje kanala na dionici puta ispod skretanja za naselje Doci, mislim da znate o čemu je riječ, jer ste prošle godine izlazili na teren i napravili predmjer, predračun radova i obećali ste da će se ovaj problem riješiti do zime. Međutim, još uvijek nije riješeno, ljudima su ponovo poplavile kuće i usjevi, a ono što je zabrinjavajuće jeste da se oborinska voda pomiješa sa fekalnim vodama i kao takva može biti opasna po zdravlje ljudi.

MUHAMED HANDŽIĆ – vijećnik BPS-a

Pitanje:

Kada će Direkcija za puteve Kantona Sarajevo vršiti rekonstrukciju regionalnog puta Stari Ilijaš-Bioča-Ahatovići i to dionicu od podvožnjaka u naselju Luka (ispod autoputa) do Biočkog mosta na rijeci Bosni.

Obrazloženje: Navedena dionica puta je u velikoj mjeri uništena i njena upotreba je gotovo

nemoguća. Veći dio ove dionice je sužen na 2,5 metara širine, a zbog nasipa koji su postavljeni uz korito rijeke Bosne radi poplava, dok su udarne rupe na istoj u tolikoj mjeri da ne mogu ni zaobići.

Inicijativa:

Pokrećem inicijativu da sva spomen obilježja iz proteklog rata, a koja su sagrađena na području općine Ilijaš, uz potrebnu projektnu dokumentaciju daju na upravljanje i održavanje fondu Memorijala Kantona Sarajevo.

Obrazloženje: Svjedoci smo da o ovim objektima ne brine niko ili slučajno neki čestiti pojedinci, pa je istim neophodno odrediti upravitelja po cijenu da i naša općina izdvaja dio sredstava za održavanje istih.

AD-2

Izvještaj o realizaciji zaključaka sa 19. sjednice

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

Izvještaj o realizaciji zaključaka sa 19. sjednice

AD-3

Prijedlog Odluke o davanju saglasnosti na plan utroška namjenskih sredstava prikupljenih po osnovu naknade za korištenje državnih šuma

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

Odluku o davanju saglasnosti na plan utroška namjenskih sredstava prikupljenih po osnovu naknade za korištenje državnih šuma

AD-4

Prijedlog Odluke o povjeravanju na upravljanje i korištenje objekta "Gradska tržnica Ilijaš" Javnom komunalnom preduzeću "Vodostan" Ilijaš

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

Odluku o povjeravanju na upravljanje i korištenje objekta "Gradska tržnica Ilijaš" Javnom komunalnom preduzeću "Vodostan" Ilijaš

Prijedlog Odluke o organizaciji, upravljanju i održavanju pijace

MERIMA OSMANOVIĆ – pomoćnik načelnika

Upravljanje pijacom u ranijem periodu bilo je regulisano zaključkom o privremenom organizovanju pijace koje je donio općinski načelnik. Kako smo u proteklom periodu završili radove na izgradnji gradske tržnice, stekli su se uslovi da se na zakonit način donese Odluka o organizaciji, upravljanju i održavanju pijace. Ovom odlukom se prvenstveno definiše prostor za održavanje pijace i kako je navedeno u članu 2. za organizaciju pijace može se koristiti prostor koji je podijeljen na četiri zone. Zona A, to je zatvoreni prostor pijace, zona B jeste nastrešnica oko objekta gradske tržnice, zona C jeste prostor ispod objekta gradske tržnice, između saobraćajnice Banovac i poslovnog objekta Bingo do potpornog zida ispred zgrade, u ulici Kakanjska broj 31. Također, istim članom u stavu 2. kaže se da se na ostalim lokacijama zabranjuje organizovanje pijace. Članom 3. je definisan nadzor i kontrola nad provođenjem odredbi iz člana 2. ove Odluke, koju vrše općinski i komunalni inspektor i Policijska stanica Ilijaš. Članom 4. je rečeno da će Javno komunalno preduzeće "Vodostan" Ilijaš samostalno biti nosilac povjerenih poslova koje će obavljati u svoje ime i za svoj račun, a članom 5. su propisane obaveze Javnog komunalnog preduzeća "Vodostan" Ilijaš koji su ovdje i pobrojani. Ja bih još napomenula da je stupio zakon o Izmjenama i dopunama Zakona o unutrašnjoj trgovini, u okviru kojeg su i definisane aktivnosti za organizovanje pijace. Također, ovim zakonom se uvodi kategorija trgovac pojedinac, to su one kategorije trgovaca koje obavljaju trgovinu izvan poslovnog prostora. Ova kategorija vezuje se za rad na pijacama i također ovim zakonom je propisano da je pružalac pijačnih usluga obavezan da zaključi Ugovor o zakupu prodajnog mjesta, samo sa osobama koje su registrovane u skladu sa izmjenama Zakona o unutrašnjoj trgovini.

MUAMER DERVIŠEVIĆ – vijećnik SDA

Kada su u pitanju ugovori između prodavača, da li mogu sklopiti ugovore oni koji su registrovani kao pravno lice u obliku individualnih poljoprivrednih proizvođača, da li moraju biti registrovani kao trgovac pojedinac?

MERIMA OSMANOVIĆ – pomoćnik načelnika

Može se zaključiti ugovor i sa individualnim poljoprivrednih proizvođačima koji registruju tu djelatnost.

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

Odluku o organizaciji, upravljanju i održavanju pijace

AD-6

Prijedlog Odluke o utvrđivanju cijene komunalne usluge – tržno – pijačnih usluga

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

Odluku o utvrđivanju cijene komunalne usluge – tržno – pijačnih usluga

AD-7

Prijedlog Odluke o izmjenama i dopunama Odluke o utvrđivanju interesa za organizovanje i održavanje Manifestacije kulture, sporta i trgovine "Ilijaški dani"

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

Odluku o izmjenama i dopunama Odluke o utvrđivanju interesa za organizovanje i održavanje Manifestacije kulture, sporta i trgovine "Ilijaški dani"

AD-8

Prijedlog Odluke o pristupanju izradi Regulacionog plana "Junakovac"

AMANDMAN I

U članu 12. Odluke o pristupanju izradi regulacionog plana "Junakovac" dodaje se novi stav koji glasi:

Iz zabrane građenja izuzima se dio parcele k.č.broj: 908/1 K.O. Nišići, na kojoj je bespravno izgrađen poslovni objekat, namjene ugostiteljsko smještajnih ukupnih dimenzija 31x19,55m+11,65x11,47m, spratnosti Sut+O do Sut+P+M, vlasnika Nikšić Mirsada, za koji objekat će se, u postupku pokrenutom u Službi za prostorno uređenje i stambeno komunalne poslove broj: 05/1-23-360/16, od 21.01.2016. godine, provesti postupak legalizacije objekata, prema uslovima Odluke o legalizaciji građevina izgrađenih bez odobrenja za građenje i građevina privremenog karaktera (Sl. novine Kantona Sarajevo broj:6/06, 18/07, 18/08, 35/12 i 51/15), shodno Zakonu o prostornom uređenju Kantona Sarajevo broj: 24/17, 1/18), a na osnovu prethodnog pribavljenog stručnog mišljenja Zavoda za planiranje razvoja Kantona Sarajevo.

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

Odluku o pristupanju izradi Regulacionog plana "Junakovac"

AD-9

Prijedlog Odluke o načinu i uslovima prodaje neizgrađenog građevinskog zemljišta (k.č.br.1726/2, k.č.br.1725/2 i k.č.br.1737/1)

Diskutanata po ovoj tački dnevnog reda nije bilo, pa je Općinsko vijeće jednoglasno usvojilo

Odluku o načinu i uslovima prodaje neizgrađenog građevinskog zemljišta
(k.č.br.1726/2, k.č.br.1725/2 i k.č.br.1737/1)

AD-10

Prijedlog rješenja iz imovinsko-pravne oblasti broj:06/1-31-1451/18 od 16.05.2018.
godine

Diskutanata po ovoj tački dnevnog reda nije bilo, pa je Općinsko vijeće jednoglasno
usvojilo

Rješenje iz imovinsko-pravne oblasti broj:06/1-31-1451/18 od 16.05.2018.
godine

AD-11

Informacija o izvršenju Budžeta općine Ilijaš za period 01.01.-31.03.2018. godine

Diskutanata po ovoj tački dnevnog reda nije bilo, pa je Općinsko vijeće primilo k znanju

Informaciju o izvršenju Budžeta općine Ilijaš za period 01.01.-31.03.2018. godine

AD-12

Informacija iz oblasti šumarstva

Diskutanata po ovoj tački dnevnog reda nije bilo, pa je Općinsko vijeće primilo k znanju

Informaciju iz oblasti šumarstva

Nakon što je iscrpljen dnevni red, zamjenik predsjedavajućeg Alen Hasković zaključio je
dvadestu sjednicu OV-a Ilijaš u 10:40h.

Zapisničar:
Maida Habibović

ZAMJENIK PREDSJEDAVAJUĆEG
OPĆINSKOG VIJEĆA ILIJAŠ

Alen Hasković, MA šum.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail ov@ilijas.ba
Broj certifikata:20938

